

四庫全書

史部

欽定四庫全書

史部

欽定八旗通志卷

一百三十四卷
一百三十五

欽定四庫全書

欽定八旗通志卷一百三十四

人物志十四

宗室王公傳十二

追封勤敏鎮國公阿拜
懋厚輔國公塔拜
恪僖鎮國

公巴布泰
國公肅克塞
追封介直輔國公賴慕布
原封固山貝子溫齊

輔國公品級扎喀納
鎮國將軍洛託

追封勤敏鎮國公阿拜

阿拜

太祖高皇帝第三子天命十年十月

命與弟塔拜巴布泰統兵一千征東海北路呼爾哈部分路

進俘千五百戶還

上出城迎勞尋授騎都尉天聰八年四月晉三等男崇德

三年五月任吏部承政四年八月封三等鎮國將

軍六年十月

命往錦州南乳峯山駐防八年八月以老罷承政任順治

四年九月晉二等鎮國將軍五年二月卒年六十

有四十年五月追封鎮國公謚勤敏阿拜第六子
鞏安初封奉恩將軍順治五年襲二等鎮國將軍
六年晉封輔國公康熙二十年五月卒爵除

追封愍厚輔國公塔拜子顯克親

塔拜

太祖高皇帝第六子鎮國公阿拜弟天命十年十月與阿
拜等征東海北路呼爾哈部俘其衆還論功授三
等輕車都尉天聰八年四月陞一等輕車都尉尋

封三等輔國將軍崇德四年九月卒年五十一順
治十年五月追封輔國公謚愍厚康熙五十二年
四月塔拜曾孫正白旗漢軍副都統楚宗奏請撰
文立碑從之塔拜次子額克親崇德元年五月隨
武英郡王阿濟格征明薄京師明兵自涿州來拒
擊破之四年八月封三等奉國將軍九月襲封三
等輔國將軍其三等奉國將軍以弟巴顏布爾善
襲五年六月額克親隨睿親王多爾袞征明圍錦

州以親軍破敵十一月隨貝勒多鐸設伏塔山敵
兵出殲之六年八月大兵征明錦州敗明總兵洪
承疇兵十三萬移營近松山掘壕圍困之城內兵
乘夜犯

御營額克親同內大臣錫翰等嚴守壕門禦之敵敗却十
二月叙功

賜銀八十兩順治元年隨睿親王多爾袞入山海關擊破
流賊叙功授二等輔國將軍四年九月晉一等輔

國將軍尋封輔國公六年十月晉封鎮國公七年
八月擢正白旗滿洲都統晉封固山貝子八年二
月以御前大臣羅什博爾惠諂媚諸王造言構釁
伏法額克親坐附和削爵黜宗室九年二月復入
宗室任內大臣十二年正月卒爵除塔拜第四子
巴穆布爾善崇德元年十二月隨大兵征朝鮮擊
敗朝鮮兵於陶山村四年九月襲其兄三等奉國
將軍爵順治元年四月從睿親王多爾袞入山海

闕破流賊有功二年授二等奉國將軍四年晉一等奉國將軍六年晉三等鎮國將軍八年晉封輔國公康熙四年任領侍衛內大臣六年擢秘書院大學士尋充纂修

世祖實錄總裁八年五月議巴穆布爾善結黨行私等罪二十一款伏誅子黜宗室爵除六月

諭宗人府自順治十八年後宗室有犯罪革黜宗室者著查明原案情節具奏尋宗人府奏革退宗室內巴穆布

爾善係與鰲拜結黨情罪重大其子郭禮博禮七
十七觀音保革去宗室之處應無庸再議得

旨巴穆布爾善之子本應依議但係宗室朕心不忍俱着
為開散宗室

恪僖鎮國公巴布泰

巴布泰

太祖高皇帝第九子輔國公塔拜弟天命十年十月與阿
拜塔拜統兵征東海北路呼爾哈部俘其衆而還

十一年九月初設十六大臣以巴布泰官正黃旗
事天聰四年三月隨大貝勒阿敏駐永平明兵陷
灤州不能禦議罷職八年四月授叅都統五月從
大軍征明克保安州十一月以巴布泰匿所獲罷
職崇德六年五月封三等奉國將軍七年十一月
命駐錦州順治元年四月從睿親王多爾袞入山海關定
京師同都統譚泰擊敗流賊逐北至望都二年二
月叙功晉一等奉國將軍三年正月隨平南大將

軍勒克德渾征湖廣攻賊於安遠南漳西峯口關
王嶺襄陽府等處俱有功四年九月晉三等輔國
將軍尋晉封輔國公六年四月

命同貝子務達海往大同代英親王阿濟格剿叛鎮姜瓖
十月晉封鎮國公十二年正月卒年六十有四謚
恪僖巴布泰第三子祐錫錄於順治十三年降襲
三等鎮國將軍康熙三十四年以庸劣削爵祐錫
祿長子富良初於康熙二十六年封三等輔國將

軍三十四年改襲父爵仍降襲三等輔國將軍三十九年六月卒子尼雅翰降襲三等奉國將軍雍正五年五月卒子佛照降襲奉恩將軍九年正月卒以佛照弟多義襲乾隆十六年授佐領四十一年十二月卒以多義子恩額穆襲封奉恩將軍追封介直輔國公賴慕布

賴慕布

太祖高皇帝第十三子天聰八年四月授騎都尉崇德四

年九月預議政七年二月隨武英郡王阿濟格征
明敗明寧遠兵十月

上御篤恭殿宴賚武英郡王不俟賞先歸賴慕布坐失勸
阻革世職罷議政是月又議武英郡王駐高橋時
會

敏惠恭和元妃喪武英郡王令鎮國公扎喀納於帳內
歌舞賴慕布坐容隱應黜宗室

上免之八年七月奉

特旨凡戮力行間敏勤素著者准令其部下人自行採參
賴慕布下五十人預焉順治二年二月封奉恩將
軍三年五月卒十年五月追封輔國公謚介直賴
慕布長子來祐於順治三年襲封奉恩將軍尋晉
三等鎮國將軍八年晉輔國公康熙八年以才力
不及削爵雍正十三年九月

令上御極奉

諭旨

太祖

太宗子孫內從前或係本支無人未經封爵或別有事故革退未襲者著宗人府查奏尋奏賴慕布後嗣係閑散宗室並無官爵乾隆元年五月奉

旨以來祐之孫扎坤泰承襲奉恩將軍二十二年二月卒子永武襲奉恩將軍二十八年十月卒爵除

原封鎮國公聶克塞

聶克塞

太祖高皇帝孫鎮國將軍湯古代之長子也弟穆爾察初
封三等奉國將軍崇德五年九月襲父鎮國將軍
爵聶克塞遂襲弟穆爾察爵為三等奉國將軍七
年十一月隨豫親王多鐸證明寧遠敵兵迎拒敗
之順治元年四月隨睿親王多爾袞入山海關定
京師敗流寇追至望都二年二月叙功晉二等奉
國將軍四年九月晉一等奉國將軍六年十月晉
封鎮國公初聶克塞以貝子額克親子為嗣八年

二月額克親獲罪削爵聶克塞妄奏與額克親不
協三月降輔國公九年六月家人哈爾巴訐以私
餽出妻衣物降三等鎮國將軍康熙四年二月卒
年六十五爵除

鎮國公屯齊

屯齊

顯祖宣皇帝曾孫追封恪僖貝勒圖倫次子崇德元年五
月隨武英郡王阿濟格征明入延慶克十二城九

月凱旋四年五月隨鄭親王濟爾哈朗畧明錦州
松山杏山屯齊力戰被創常費外加

賜銀百兩四年八月封輔國公五年六月隨睿親王多爾
袞圍錦州明兵夜襲我鑲藍旗營擊敗之六年八
月從

上征明錦州敗明兵於塔山十一月復隨睿親王多爾袞
貝勒岳託圍錦州順治元年十月晉封固山貝子
隨定國大將軍豫親王多鐸南征破流賊平陝西

河南並有功二年四月

賜圓補紗衣一襲五月隨豫親王下江寧明福王朱由崧
遁太平屯齊與貝勒尼堪等追至蕪湖擒之十月
凱旋論功

賜金百兩銀五千兩鞍馬一是年授鑲藍旗滿洲都統三
年正月隨肅親王豪格西征五月破流賊賀珍等
解漢中圍又敗二隻虎孫守法于漢陰復興安五
年四月陝西逆回犯鞏昌諸郡

命為平西大將軍同輔國公漢岱討之會總督孟喬芳已
擊斬米喇印丁國棟屯齊還赴英親王阿濟格軍
駐大同六年十月晉封多羅貝勒九年七月明桂
王將李定國等擾湖南屯齊隨敬謹親王尼堪往
征之十一月敬謹親王戰沒

命屯齊為定遠大將軍統其衆進剿時定國偕屬將馬進
忠等犯永州大軍至定國度龍虎關西遁其黨孫
可望率兵來靖州馮雙禮來武岡州屯齊遂進師

寶慶至周家坡雙禮進忠等據險拒我師會日暮
天雨列陣相距是夜可望率兵自寶慶來合衆號
十萬倚山陣屯齊分兵奮擊大破之獲馬七百餘
象一軍械無算捷

聞得

旨嘉獎十一年十月議隨敬謹親王戰沒罪削爵十二年
八月授鎮國公品級十五年正月隨信郡王多尼
征由榔於雲南薄其城定國扶由榔奔永昌餘衆

率降師還封鎮國公康熙二年六月卒年五十八
月以屯齊次子富爾泰降襲輔國公品級十六年
任宗人府右宗人二十二年降三等鎮國將軍品
級四十年六月卒停襲初屯齊第五子謨啟原任
二等侍衛生德成額任三等侍衛生彭齡乾隆四
十三年三月

詔以鎮國公屯齊著有勞績

賜一等奉國將軍爵世襲罔替以屯齊之曾孫彭齡襲

封十一月授頭等侍衛

原封固山貝子溫齊

溫齊鎮國公屯齊長子順治六年十月封固山貝子康熙十三年三月授宗人府右宗人四月授鑲藍旗滿洲都統是年四川叛應逆藩吳三桂

命隨定西大將軍貝勒洞鄂由陝西進征陝西提督王輔臣叛大軍駐漢中敗賊於仙逸關復關山關及秦州禮縣追剿至西河復清水伏羌事詳信郡王傳

十六年二月

上以洞鄂等久屯平涼無功削洞鄂爵溫齊降輔國公
革都統及右宗人時三桂陷湖南安遠靖寇大將
軍尚善規復岳州九月

命溫齊統京兵往叅贊軍務十七年六月敗賊於柳林嘴
君山八月尚善卒於軍貝勒察尼代仍以溫齊為
叅贊十月敗賊於陸石口進擊岳州克之十八年
正月溫齊追逸賊吳應麟至二百餘里以未携纜

具引還應麒遁且虛報陣斬偽官兵五千餘事

聞

上命察尼嚴取供詞七月察尼以其詞奏

諭曰國家軍法嚴明並無虛偽多報首功之事溫齊乃有罪之人不思効力自贖岳州徒步奔逸之寇不即窮追且殺賊不過三四百人與原疏迥異著削爵罷叅贊爵除

輔國公品級扎喀納

扎喀納

顯祖宣皇帝曾孫追封貝勒扎薩克圖長子崇德三年隨奉命大將軍睿親王多爾袞征明趨臨清州渡運河略濟南府還破天津衛扎喀納皆在事有功四年四月師還

賜銀二千兩馬一馳一是年授鎮國公時內大臣多爾濟屬下有蒙古及漢人自伊魯逃

命扎喀納伺諸屏城藩城間不獲而歸議削爵

詔從寬降輔國公六年八月從

上征明錦州明總督洪承疇以兵犯我鑲紅旗營擊敗之
師還敵襲我後相距僅百步扎喀納轉戰敵驚遁
明總兵吳三桂白廣恩王樸等沿海潛逃扎喀納
同輔國公芬古追擊至塔山七年七月駐防錦州
九月還十月以駐高橋時遇

敏惠恭和元妃喪扎喀納從武英郡王歌舞為樂坐大
不敬罪削爵黜宗室幽禁順治元年隨睿親王入

山海關定京師二年二月叙功復入宗室授輔國公品級九月同鎮國公傅勒赫率兵駐防江南十一月同貝勒勒克德渾征湖南凱旋

賜黃金五十白金千五年十二月同謙郡王瓦克達率兵赴英親王阿濟格軍駐防大同六年九月晉封固山貝子九年七月隨敬謹親王尼堪征湖南賜蟒衣鞍馬弓矢至衡州敬謹親王戰沒

上以貝勒屯齊代其任與扎喀納合軍敗賊兵十萬於周

家坡十一年十月議隨敬謹親王戰歿罪削爵十
二年八月復授輔國公品級十五年正月隨信郡
王多尼征明桂王朱由榔於雲南抵貴陽沿途敗
敵降由榔屬官劉之扶王宗臣等百餘兵千餘師
進雲南省城由榔遁攻永昌克之十六年三月卒
於軍扎喀納第五子瑪喀納於康熙四年降襲三
等鎮國將軍品級四十三年以校射不嫻削級扎
喀納曾孫瑪商阿於雍正七年由七品筆帖式襲

三等奉國將軍品級乾隆四年授護軍叅領十四年四月卒子英祿降襲奉恩將軍品級四十年閏十月卒子福亨額降襲雲騎尉品級

鎮國將軍洛託

洛託

顯祖宣皇帝曾孫追封和惠貝勒寨桑古之長子天聰八年八月從

上征明有功籍獻所俘獲於大同南西岡

御營崇德元年封固山貝子十二月隨大兵征朝鮮同貝勒多鐸圍南漢山城殲其援兵八千又敗其援兵五千二年四月

命預議政四年二月大兵征明洛託隨武英郡王阿濟格圍塔山連山五年六月隨睿親王多爾袞代鄭親王濟爾哈朗於義州築城屯田九月錦州兵五百夜襲我鑲藍旗營洛託同輔國公屯齊等擊敗之六年三月以圍錦州時不臨城及遣兵私回議削

爵

詔罰鍰八月

上親征明圍松山大破明總督洪承疇軍洛託同睿親王
多爾袞等至塔山大路橫擊之明兵潰赴海死者
無算十一月復圍錦州七年三月隨鄭親王濟爾
哈朗攻塔山四月克之六月任都察院承政九月
與貝子博洛尼堪等往代公博和託屯齊扎哈納
等駐防錦州八月家人都塔里訐其陰事勘實

上以其悖亂違法重撻之削爵幽禁順治八年三月復封三等鎮國將軍十三年五月

諭吏部曰三等鎮國將軍洛託當

太宗時曾犯大罪因愛其才且係宗室特加寬宥今值國家用人之際久令閒住深為可惜着授鑲藍旗滿洲都

統時川寇餘黨孫可望李定國馮雙禮並兵州總兵叛

賊馬進忠均受明桂王朱由榔封爵可望據黔擾

湖南十四年四月

命洛託為寧南靖寇大將軍駐防荊州至則遣兵奪取心
潭隘斷巴東渡口敵總兵田國欽黃世奎鄧基昌
等及可望所屬偽總兵趙世超副將趙三才相繼
降十二月可望與定國內訌戰不勝亦來降

上命洛託同都統濟席哈由湖南進取貴州十五年三月
會承疇師於常德抵辰州收復沅陵瀘陵麻陽黔
陽淑浦諸縣進軍沅州進忠道檄偏沅巡撫袁廓
宇招撫靖州並屯鎮遠二十里山口堵禦是月雙

禮遣其總兵馮天裕閔廷桂等先後自平越來降
四月大兵至貴州由榔之總兵羅大順復收潰卒
襲新添衛城敗之洛託與承疇守貴陽十六年二
月凱旋叙功授雲騎尉晉一等鎮國將軍十七年
七月

上以海寇鄭成功竊據海隅日久未下

命洛託為安南將軍同尚書車克內大臣達素都統索渾
等往征大破賊衆十一月師還康熙四年四月卒

年五十洛託第七子富達禮于康熙四年九月襲
騎都尉世職十二月改為降襲奉恩將軍八年晉
一等輔國將軍二十三年任頭等侍衛二十五年
四月授散秩大臣十一月以謫附領侍衛內大臣
索額圖恃勢致富為其從弟蘇起所訐削爵除

配饗四郡王傳

謹案乾隆四十三年奉
四郡王限於交派屬在覺羅之列

旨以

是以宗室王公中未立其傳因特命國史館
查明事實不拘詳畧各補一傳列諸大臣之前茲

八旗通志所載大臣例皆各按旗分載然編列而
此諸王無旗分可隸故標出配饗四郡王之目另

載於此以支派而言雖隆在宗室之後而以天潢而論仍卓居大臣之前庶得以仰合 諭旨云

多羅通達郡王雅爾哈齊

雅爾哈齊

顯祖宣皇帝第四子

太祖高皇帝母弟也卒年月及事蹟舊史不著無嗣順治

十年五月追封多羅郡王諡通達十一年三月配饗

太廟列東廡乾隆十九年九月

命入祀

盛京賢王祠四十三年正月

諭曰通達郡王係

顯祖之子武功慧哲宣獻三郡王係

景祖之子當時雖身預配饗第以宗支而論已在覺羅之列是以宗室王公表傳內未經立傳但思宗室傳既限於支派國史傳又以屬在宗潢今此四王無所附麗亦覺欠缺著交國史館查明四王事實補為立傳列國史諸大臣傳之前即或當時紀載簡少其功績

無由稽核無妨不拘詳畧各立一傳以徵信焉

武功郡王禮敦

子貝和齊

禮敦

景祖翼皇帝長子

顯祖宣皇帝兄也生而英勇自

肇祖原皇帝開基赫圖阿拉至

景祖翼皇帝始築城居之兄德世庫居覺爾察地瑠闡居

阿哈和洛地索長阿居和洛噶善地弟寶朗阿居

尼瑪蘭地寶實居章嘉地分築五城環赫圖阿拉
二十里而居並稱寧古塔貝勒當是時鄰部有碩
色訥者生九子俱强悍又有嘉呼者生七子輕捷
多力能披重鎧連躍九牛二族恃其強侵陵諸路
禮敦從

景祖率諸貝勒往征盡滅之收服五嶺以東蘇克素護河
以西二百里內諸部由此國並強盛禮敦戰功居第
號巴圖魯後五城族人嗜利構兵致外侮內難交作

太祖高皇帝備嘗艱險光復舊物討誅尼堪外蘭國中乃帖服而禮敦已先歿矣卒年月舊史不著追溯翼運功宗無出其右

太祖高皇帝肇造

東京營

景祖

顯祖陵於城東北楊魯山自赫圖阿拉奉遷

梓宮並遷禮敦櫬附葬

陵側崇德元年四月追封武功郡王配饗

太廟順治十五年九月奉安

景祖

顯祖於興京

永陵禮敦附

陵側康熙二十一年及三十七年再

親詣興京謁

永陵

命大臣詣王墓酌酒乾隆八年十九年四十三年

親謁

永陵皆

命大臣酌酒於墓十九年

詔建賢王祠於

盛京祀

國初有功諸王以王入祀王子貝和齊承先志敬事

太祖

太祖征明廣寧

命與宗室鐸弼等留守遼陽貝和齊子色勒天聰中任都統
後以軍功晉一等男爵官至領侍衛內大臣自有
傳順治四年七月錄王孫席賚阿濟賚阿賚二世
孫吉哈禮額塞託和禮瑪福塔託布齊達哈塔薩
賽巴賽瑪賽噶達琿託木託禮二世孫噶爾珠闡
古莫洛均授佐領康熙五十六年八月以王後無
任顯秩者

特擢其三世孫侍衛吉禮為散秩大臣

多羅慧哲郡王額爾袞

額爾袞

景祖翼皇帝次子

顯祖宣皇帝兄也當

太祖高皇帝未誅尼堪外蘭時覺爾察城阿哈和洛城和

洛噶善城尼瑪蘭城章嘉城諸族人嗜利構兵難

交作額爾袞智慮周達視不善若浼已永保令名

馬卒年月不著無嗣順治十年五月追封多羅郡

王諡慧哲十一年三月配饗

太廟列東廡乾隆十九年九月入祀

盛京賢王祠

多羅宣獻郡王齊堪

齊堪

景祖翼皇帝第三子

顯祖宣皇帝兄也當

太祖高皇帝初諸族人嗜利構兵齋堪弗與為伍惟善是務有老成望云卒年月不著無嗣順治十年五月追封多羅郡王謚宣獻十一年三月配饗

太廟列東廡乾隆十九年九月入祀

盛京賢王祠

欽定八旗通志卷一百三十四

欽定四庫全書

欽定八旗通志卷一百三十五

人物志十五

大臣傳一

滿洲鑲黃旗一 費英東 額亦都
覺羅拜山 佟養正 雅布禪 圖魯

什

偉齊

康喀齊

武善

車爾格

圖爾格

伊爾登

拉哈爾

費英東

費英東姓瓜勒佳世居蘇完後隸滿洲鑲黃旗驍

果善射引強弓十餘石

太祖高皇帝創業之初隨其父蘇完部長索爾果首率所

部軍民五百戶來歸

太祖嘉之授一等大臣尚主有克沁巴顏者費英東女兄之夫也謀逆費英東擒而誅之初征瓦爾喀部取噶嘉路殺部長阿球降其衆以歸戊戌年正月同台吉褚英等統兵千人再征瓦爾喀取安楚拉庫路圍屯寨二十餘所屬人戶悉招降之丁未年正月斐悠城長苦烏拉侵擾請內附費英東同貝勒

舒爾哈齊等遷之盡收其環城屯寨令侍衛扈爾漢護五百戶先歸烏拉貝勒布占泰發兵萬人邀諸路兩軍相持未決費英東率師繼至大敗之五月討東海窩集部與貝勒巴雅喇等取赫席赫路鄂謨和蘇魯路佛訥赫托克索路俘二千人而還辛亥年七月同台吉阿巴泰等取烏爾固辰穆稜二路癸丑年正月從

太祖征烏拉同諸貝勒大臣力戰破敵乘勝奪門遂拔其

城尋

命與何和哩額亦都扈爾漢安費揚古為五大臣佐理國
事天命四年二月明兵四路來侵一軍據薩爾滸
山巔費英東率本旗兵進擊破之

太祖之征明取撫順也明兵來援礮驚費英東馬旁逸諸
軍不前費英東廻馬大呼揮諸軍並進遂破之

太祖拊髀嘆曰萬人敵也從攻葉赫城上矢石雨下

太祖命之退對曰我兵已薄城下矣再

命之退對曰勢垂克必不退也竟拔其城費英東自少從太祖征討諸國三十餘年身先兵士衝突堅陣當其鋒者莫不披靡性忠直遇事敢言毅然不撓以功授一等子世龍五年三月卒五十有七

太祖聞之哀慟親臨其喪

太宗文皇帝天聰八年以其子察喀尼襲爵

賜勅免死二次崇德元年追封費英東直義公配享

太廟陪葬

福陵

太宗嘗

諭羣臣曰費英東見人不善必先自斥責而後劾之見人之善必先自獎勵而後舉之被劾者無怨言被舉者亦無驕色朕未聞諸臣以善惡直奏似斯人也順治十六年

世祖章皇帝念佐命勲臣

詔晉費英東世爵為三等公康熙九年

聖祖仁皇帝御製碑文勒石紀勲雍正九年

世宗憲皇帝加公號曰信勇乾隆四十三年

上追念費英東忠勛晉世爵為一等公子十人察喀呢
見大臣表第六子索海官副都統第七子圖賴官
都統功封一等雄勇公皆自有傳

額亦都

額亦都姓鈕祜祿世居長白山後歸

太祖高皇帝隸滿洲鑲黃旗幼時父母為人所害額亦都
以隣人匿之得免年十三手刃其仇避走嘉穆瑚

地依於其姑居數歲

太祖過其地額亦都識為真主請事

太祖白於姑姑止之不可遂從行歲癸未從

太祖討尼堪外蘭於圖倫城先登攻色克濟城掩敵無備
取之又別率兵攻舒勒格布占克其城額亦都驍
果善戰挽弓十石能以少擊衆所向克捷

太祖知其能日見信任丁亥年八月

命督兵取巴爾達城至渾河河漲不能涉以繩聯軍士魚

貫而渡夜薄其城率銳卒先登城中兵猝驚起拒
跨堞而戰飛矢貫股著於堞揮刀斷矢戰益力被
五十餘創不退卒拔其城而還

太祖迎於郊燕勞之其所俘獲悉以

賜遂

賜號巴圖魯薩克察之入寇也額亦都率數人禦敵敵敗
躡之夜入其城進攻連克尼瑪蘭城章嘉城索爾
瑚寨功最師還

上迎勞如初界藩有科什者以勇聞盜九馬遁單騎追斬
之盡返所盜馬嘉穆瑚之貝琿巴顏謀叛附哈達
命討之誅其父子五人以徇癸巳年九月葉赫合九國之
師來侵

太祖陳兵古呼山命額亦都以百騎挑戰敵悉衆來犯奮
擊殪九人敵却大兵繼之斬葉赫貝勒布齊九國
之師皆潰遂乘勝畧諾賽寨及兆嘉村會我軍有
齊法罕者戰歿額亦都直入敵陣以其尸還訥殷

路者九國之一也其長斡穩色克什既敗歸復聚
七寨之衆據守佛多和山

命同大臣安費揚古噶蓋等以兵千人圍其寨三月下之
斬斡穩色克什

賜

上所乘馬以旌其勞丁未年五月同大臣費英東隨貝勒
巴雅喇征東海窩集部有功庚戌年十一月

命招撫窩集部之那木都魯綏芬寧古塔尼瑪察四路降

其長康果哩等十九人師旋乘勝擊取雅蘭路俘
萬人而還辛亥年十二月同額駙何和哩等征窩
集部之呼爾哈路克扎庫塔城詳見何和哩傳天
命二年同大臣安費揚古攻明馬哈丹花豹衝三
岔兒堡並克之四年明經略楊鎬率六總兵統兵
二十餘萬分四路來侵大貝勒代善出禦明總兵
杜松王宣趙夢麟兵於撫順過北喀闕議駐師僻
地以俟

太祖

太宗文皇帝時為四貝勒謂界藩山有築城夫役急往護之宜耀兵向敵以壯夫役士卒之膽不當駐僻地示弱衆議未決額亦都曰

貝勒之言是也遂進師界藩會

太祖帥兵亦至指揮夾擊大破明兵於吉林崖及薩爾滸山明三總兵皆歿於陣還破明總兵馬林於尚間崖劉綎於阿布達哩岡額亦都皆在事有功連歲

太祖親征各部之不用命者若哈達輝發烏拉葉赫以次
削平額亦都在行間輒為軍鋒用兵垂四十餘年
未嘗挫衄每克敵受

賜輒分給將士之有功者不以自私

太祖特優遇之當天命建元之初國人有私訴於額亦都
者額亦都擅自聽斷

太祖以大臣不應聽受私訴恐一人獨斷必至生亂因罰
額亦都並著為禁令然心知其忠誠

寵顧不少袁初妻以宗女後尚和碩公主與費英東等同為五大臣佐理國政累官至一等內大臣受爵一等子天命六年卒於官年六十

太祖親臨哭之慟祭葬如禮

太宗文皇帝天聰八年以其子遏必隆襲一等子崇德元年追封額亦都宏毅公配享

太廟陪葬

福陵順治十二年建碑墓道晉世爵為二等公雍正十年

加公號曰果毅乾隆二十四年五月晉為一等公子
十六人車爾格圖爾格伊爾登教德超哈爾索渾
遏必隆均有傳額森見大臣表

覺羅拜山 子顧納岱 孫莫洛渾

覺羅拜山滿洲鑲黃旗人

景祖翼皇帝第五弟寶朗阿之曾孫也天命六年從

太祖高皇帝征明攻瀋陽斬其驍將號秃尾狼者明兵自
城南悉衆來戰復斬一副將降其衆既克遼東授

三等輕車都尉世職天聰元年從攻錦州不下環
守之復移師往攻寧遠錦州兵潛出躡我軍後拜
山與佐領巴希爭先還擊奮戰歿於陣

太宗文皇帝親臨其喪酌酒哭之

賜人戶牲畜贈三等男子顧納岱襲爵崇德三年從征明
擊敗明兵於山海關追奔至豐潤又敗之時我軍
有出取芻束者為敵所乘顧納岱馳往奮擊整衆
以歸至山東敗明內監馮永盛總兵侯世祿軍攻

博平克之晉爵一等男

世祖章皇帝順治元年四月顧納岱以護軍統領隨睿親

王多爾袞入山海關擊敗流賊李自成兵十月復
隨豫親王多鐸追流賊至陝州賊據山為陣顧納
岱與護軍統領圖賴率兵馳擊斬獲過半三年二
月賊將劉方亮以兵千餘夜窺我營營中有備出
擊敗之於是鑲黃正藍正白三旗兵協力進攻賊
騎奔竄遂克潼關直逼西安叙功加一雲騎尉三

月隨豫親王徇河南乘勝渡淮四月至揚州與護
軍統領伊爾都齊等軍於城南獲船二百餘明日
合師薄城下七日拔之又敗明帥黃得功舟師于
蕪湖貝勒博洛徇蘇州顧納岱破敵王岡村還克
崑山攻江陰大兵以紅衣礮擊破其城顧納岱先
登移師趨浙江敗明守將水陸兵於平湖收其戰
艦進攻嘉興明兵悉衆出戰背城結陣顧納岱與
都統恩格圖漢岱等合擊之三戰三捷七月旋師

明年叙功晉三等子會蘇尼特部騰機思等叛奔喀爾喀顧納岱隨豫親王率兵往剿騰機思等遁走分遣蒙古兵追擊敗之於歐特克山復自土喇河西行擊敗喀爾喀兵於查濟布喇克尋以

恩詔晉二等子世襲五年隨征南將軍譚泰討叛鎮金聲桓至九江大破逆將吳江軍進攻南昌中礮歿於陣

卹贈一等子

命其子莫洛渾襲莫洛渾歷官一等侍衛順治十七年授
叅領從安南將軍達素討海寇鄭成功攻廈門力
戰死康熙二年

聖祖仁皇帝念拜山顧納岱皆陣亡莫洛渾又以戰歿

嘉其世篤忠貞

特贈莫洛渾爵三等伯立碑墓道謚剛勇無嗣從弟諾爾
遜庫特庫分襲世職

佟養正

子佟圖賴

佟養正遼東人其先為滿洲世居佟佳以地為氏
祖達爾哈齊以貿易寓居開原繼遷撫順遂家焉
天命初佟養正有從弟佟養性輸誠

太祖高皇帝於是大軍征明克撫順佟養正遂挈家並族
屬來歸隸漢軍六年從征遼陽以功授三等輕車
都尉世職奉

命駐守朝鮮界之鎮江城時城守中軍陳良策潛通明將
毛文龍詐令諜者稱兵至各堡皆呼諜城中大驚

良策乘亂據城叛佟養正被執不屈死之長子佟
豐年并從者六十人俱被害

詔以次子佟圖賴襲世職佟圖賴初名佟盛年後改今名
天聰五年

太宗文皇帝征明圍大凌河破監軍道張春援兵佟圖賴
以從征有功晉二等輕車都尉崇德三年授兵部
右叅政五年從肅親王多爾袞圍錦州取白官兒
屯臺六年隨鄭親王濟爾哈朗復圍錦州取金塔

口三臺七年攻松山城明人突出騎兵奪我紅衣
礮佟圖賴擊敗之又敗山口步兵克塔山杏山諸
臺遂下其二城論功晉一等輕車都尉始分漢軍
為八旗佟圖賴隸廂黃旗授正藍旗都統是時軍
士多奉

命分畧明邊地佟圖賴以為不如深入明境直取燕京乃
與都統李國翰等奏言天意歸於

聖主大統攸屬明國人心動搖當因天時順人事攻拔燕

京控扼山海則萬世鴻基自此而定

上以大兵不取關外四城何能即克山海

優旨開諭之八年隨鄭親王取前屯衛中後所二城加一

雲騎尉世職順治元年調鑲白旗都統同都統巴

哈納石廷柱招降山東四府七州三十二縣七月

下太原招降九府二十七州一百四十一縣師還

賜白金四百兩尋隨豫親王多鐸勦流賊李自成屢破賊

衆於黃河岸毀其柵獲賊艦十五遂平河南二年

五月軍次江南敗明舟師於揚子江先後攻揚州
及嘉興諸府皆下之晉爵二等男

賜蟒服黃金三十兩白金千五百兩五年授定南將軍與
都統劉之源率左翼漢軍駐寶慶時明桂王朱由
榔將馬進忠等犯衡湘辰永間陷寶慶佟圖賴至
擊破其衆進拔其城六年鄭親王率師征湖廣佟
圖賴分兵趨衡州所向皆捷陣斬其總兵陶養
用破胡一青等七營兵於城南乘勝疾擊連破

之於望公嶺山峪口一青窮竄集潰衆萬餘距
廣西全州三十里立六營以自保又破之遂下全
州還師駐衡州常寧告警遣佐領陳天謨等馳赴
之戰於石鼓洞我兵大勝斬其渠二人八年凱旋
賜宴得

優賞尋授禮部侍郎復調正藍旗都統疊奉

恩詔晉秩至三等子世龍十三年八月引疾乞休

世祖章皇帝篤念前勞

命加太子太保以原官致仕十五年卒於家年五十有三
上聞之輟朝震悼

予祭葬如典禮贈少保兼太子太保謚勤襄康熙十六年
聖祖仁皇帝以追尊

孝康皇太后推

恩所生

特贈佟圖賴一等公爵令其子佟國綱承襲並

命改隸滿洲雍正元年追封佟養正一等公謚曰忠烈

詔祀昭忠祠與佟圖賴並加贈太師明年

勅建佟圖賴專祠

賜額曰功宗元祀子國綱國維皆有傳

雅希禪

子訥爾特拉萬禪

雅希禪滿洲鑲黃旗人先世居馬佳以地為氏父

尼瑪禪當

太祖高皇帝創業時隨其兄赫東額率五十餘戶來歸任

佐領雅希禪隨父事

太祖立戰功授騎都尉世職列理事十大臣天命四年奉命同大臣額克星格等與喀爾喀五部蒞盟還奏稱

旨從征明戰於界藩先衆克敵復擊明總兵馬林於尚間崖破其中堅晉二等輕車都尉

太祖既取遼陽叙功晉三等男沙嶺之役為敵所傷戰弗勝論罪降一等輕車都尉八年隨貝勒阿巴泰征扎魯特攻其貝勒昂安所居寨昂安攜其孥乘牛車遁雅希禪與前鋒統領達音布等以兵追之昂

安督從者拒戰達音布中創歿雅希禪合兵直前
奮擊斬昂安及其子殲其從者俘其孥以歸奏凱分
賜所得獲尋卒年五十有一子三人長恭袞次訥爾特次
拉篤渾恭袞襲世職獲罪降世職為騎都尉二
命與其弟訥爾特分襲之

太宗文皇帝崇德三年授恭袞刑部副理事官四年從征
索倫陣亡部議以恭袞不遵軍令致為敵所殺應
革世職籍其家三分之一

上念其父雅希禪功

特命宥之以其弟拉篤渾襲世職拉篤渾少隨父兄征戰

屢立功崇德六年隨征明錦州力戰陣亡

卹贈加一雲騎尉子鄂爾璧襲訥爾特之未襲世職也從太宗征明敗敵於小凌河復由大同入明邊率善射者攻

小石城克之既襲騎都尉隨征錦州屢敗明兵於松山杏山崇德七年任刑部叅政兼副都統時左右兩翼會兵擊松山城松山兵夜遁訥爾特同護

軍統領鰲拜趨塔山南海岸先敵至蓐食以待夜
擊明兵達旦明兵據山巔訥爾特冒矢石率衆仰攻
敵敗走復乘勝追躡敵衆溺水死者無算八年隨
貝勒阿巴泰征明初入邊敗明守將進軍渾河築
梁以濟明將合兵千餘來拒訥爾特率衆擊走之
復敗其援兵於三河縣隨大軍至山東指揮所部
兵攻克武定州城旋師將出邊敵刦我紅衣礮訥
爾特與都統準塔還擊破其步兵二營六月凱旋

賜白金五百兩九月隨鄭親王濟爾哈朗征明寧遠明總

兵吳三桂糾衆來禦訥爾特力戰歿於陣時年三

十有八

晉贈三等輕車都尉以其子訥新襲職順治十二年

世祖章皇帝追念舊勲

賜雅希禪謚曰敏果立碑墓道

圖魯什

圖魯什姓伊爾根覺羅世居葉赫後隸滿洲鑲黃

旗天命九年任佐領追逃牧蒙古獲之十年奉

命率士卒往海邊旅順口偵緝寇盜俘獲甚衆授叅領天

聰三年從

太宗文皇帝征明先馳至大安口城下覘虛實敵兵覺集

衆來攻單騎擊敗之後兵繼至遂克其城大兵由

遵化趨北京明兵自薊州罷追圖魯什伏兵邀擊

有斬獲時

太宗駐營燕京西南城隅令圖魯什與副都統阿山往覘

敵兵多寡遇明督師表崇煥軍獲其諜者知明總
兵滿桂黑雲龍麻登雲孫祖壽以兵四萬人列營
永定門之南還報

太宗且曰敵兵盛宜及其不虞乘夜襲擊

太宗從之夜三鼓秣馬蓐食八旗及蒙古兵俱進圍魯什
率麾下將士先驅直馳入敵營敵衆大亂大兵乘
之遂斬滿桂孫祖壽生擒黑雲龍麻登雲復往偵
通州道遇明兵擊敗其衆收獲馬匹乘夜襲敗北

門外敵營又於永平擒斬叛將愛塔以功加世職
二等輕車都尉四年正月大軍攻永平降其城隨
貝勒濟爾哈朗等駐兵守之二月同副都統勞薩
等偵明邊境敗其堡卒有俘獲三月明將遣兵潛
至我斥堠所軍行塵起圖魯什率兵四十人往探
叅領巴篤理等以兵繼之圖魯什先至擊敗明副
將張洪謨軍追十餘里巴篤理等乘勝掩殺會敵
出伏兵突擊我軍圖魯什與巴篤理殿後接戰敵

遂遁四月師還奉

命往視邊牆部兵五十人為三隊留居後獨率四騎先至城下猝遇蒙古數十人圍之兩牆間環射之圖魯什奮鬪突出顧所率騎尚陷圍中一騎已中矢仆復大呼馳入援三騎扶傷者以歸五年八月從征大凌河明兵二千自松山來援圖魯什與都統阿山等擊敗之陣斬百餘人獲三轟還

上酌金卮賜之九月攻錦州遵

上方畧命營中廝卒搖旗幟偽為明兵來援者誘城中出
戰大敗其衆時明監軍道張春以援軍至我兵與
戰三日夜春軍渡河圍魯什邈擊敗之是夕

上率兩翼騎兵罷春營圍魯什兵先進明兵潰走遂擒張
春十月復偕勞薩往錦州松山偵軍事斬明兵執
壽奔寧遠者十二人閏十一月追察哈爾兵踰興
安嶺獲駝馬鎧甲之委於路者六年從征察哈爾
軍次博羅額爾吉圖魯什率精兵五百先往收蒙

古流散戶口二百餘人以還

上以察哈爾汗遁去

命旋師先是

上命叅領延布祿佐領棟山移哈爾占所貯糧於烏蘭哈
達延布祿等以調遣失人遲久不至下廷臣會議
罪當死

上命覆勘

諭曰倘情有可矜則釋之衆皆言法不當宥圖魯什奏云

曩者

上嘗申諭臨陣退縮者斬然間亦蒙

恩寬釋今懲延布祿棟山而全其生實惟

聖恩

上深嘉其議而末減之八年二月畧地錦州為前隊有擒

獲功五月擢前鋒統領加三等男世襲六月復從

征察哈爾奉

命率兵覓市場所失貨賄獲之七月至歸化城遇察哈爾

諸宰桑率千二百戶來降遂挈以朝

行在是月毀明邊牆入大同與侍衛瑚什布等敗明總兵
祖大弼軍俘斬奏捷畧地至宣化攻懷遠設伏於
左衛城敗明總兵曹文詔軍閏八月大兵營左衛
城東圖魯什往偵宣府單騎先驅遇祖大弼偵卒
十五人接戰矢中其腹猶力戰不已我兵至生擒
二人餘皆殲之圖魯什被創危篤

上親臨視越二日卒

賜號碩翁科羅巴圖魯

卹贈三等子世龍

世祖章皇帝時追謚忠宣次子巴什泰襲爵官一等侍衛

兩遇

恩詔進一等伯順治九年三月為謀逆之蒙古侍衛瑣尼

刺死

詔贈三等侯以其子珠拉岱襲

偉齊

子穆里瑪

偉齊滿洲鑲黃旗人姓瓜勒佳費英東第九弟也天命十年同侍衛博爾晉等率兵二千往征呼爾哈收獲五百戶凱旋

上郊勞賜宴並

念其父索爾果歸附功授騎都尉世職會蒙古逃亡十戶偉齊追之盡俘以歸天聰三年從

太宗文皇帝征明畧地至遵化三擒哨卒明兵犯我師偉齊遮擊數逐北論晉三等輕車都尉

上統大軍出征嘗令偉齊留守

盛京任八門提督九年

命免功臣徭役偉齊與焉並增給佐領人戶使之專轄尋卒以第六子穆里瑪襲職

世祖章皇帝以偉齊厯事

兩朝忠誠素著

賜謚端勤視一等大臣例立碑墓道擢穆里瑪一等侍衛

順治四年授叅領屢遇

恩詔晉一等輕車都尉又一雲騎尉予世襲五年隨征江
西叛鎮金聲桓帥至童子渡賊將列陣以拒穆里
瑪與叅領喀爾塔喇等擊敗之復率兵渡河衝擊
敗賊衆二千至饒州下其城移師前進賊集步騎
二萬追襲同叅領巴都還擊賊兵卻走我軍攻南
昌掘壕圍守聲桓與其偽帥王得仁悉衆拒戰穆
里瑪以本旗兵奮勇撲剿連敗賊衆十七年六月
擢工部尚書八月授都統康熙二年四川賊李來

亨等竄伏湖廣鄖襄山中聚寇刦掠穆里瑪奉

聖祖仁皇帝命為靖西將軍與都統圖海率禁旅會楚蜀

之師討之時來亨擁衆據茅麓山穆里瑪督兵攻
圍九戰皆捷賊復夜竄總督李國英提督鄭蛟麟
等營穆里瑪分遣諸將先後援勦追斬甚衆來亨
勢蹙自焚死招撫偽王侯及偽總督等官論功起
晉一等男世爵內大臣公鰲拜穆里瑪兄也怙勢
攬權穆里瑪及大學士班布爾善等私相黨附凡

朝政皆就鰲拜家取進止八年鰲拜伏誅穆里瑪
坐黨惡營私削爵與班布爾善等並棄市六十年
上念偉齊功復以穆里瑪之曾孫察克慎龍騎都尉世職
偉齊子七人次子卓布泰第三子鰲拜第四子巴
哈皆別有傳

庫喀賚

子錫納海

庫喀賚滿洲鑲黃旗人姓瑚爾喀

太祖高皇帝時由新達謨率族來歸會初立佐領使統其

一屢從征伐天命十一年

太宗文皇帝御極八旗各設總管政務大臣一是為八大臣又每旗設理事聽訟大臣二是為十六大臣康喀賚與舒賚並任鑲藍旗理事聽訟大臣天聰元年正月有蒙古十五人自奉集堡叛逃康喀賚同正白旗大臣阿達海鑲白旗大臣吳拜追至都爾弼十五人還聞吳拜中創不退康喀賚與阿達海併力奮進盡斬之事

間得

優賚五年七月始設六部每部以一員勒總管部務次設承政以康喀賚與蒙阿圖祝世允囊努克並為工部承政崇德三年七月重定官制每部止留承政一員康喀賚遇裁五年十一月授鑲藍旗滿洲副都統尋卒子錫納海天聰九年隨睿親王多爾袞征察哈爾招降林丹汗子額哲以還尋選每旗二十人為王府護衛錫納海預焉崇德三年八月隨

睿親王征明越燕京由臨清直抵濟南五年十一月隨鄭親王濟爾哈朗圍明錦州還鄭親王以錫納海勤幹奏授二等護衛會父卒罷管佐領六年三月復隨鄭親王圍錦州克其外城明總督洪承疇率兵赴援錫納海同前鋒統領努山偵探至杏山遇哨騎擊敗之擒一人以歸我左翼兵設伏松山北以前鋒兵誘之比至伏發擊敗其援兵錫納海與侍衛喇世塔等自錦州還

盛京奏捷復赴軍罷獲寧遠哨卒

世祖章皇帝順治元年隨睿親王入山海關擊流賊李自成兵二十餘萬賊竄走錫納海率兵追之至望都奮力勦擊多斬馘二年叙征錦州杏山及平流賊功予雲騎尉世職遷二等侍衛六年隨鄭親王平湖南凱旋無任刑部郎中尋授一等侍衛兩遇

恩詔晉世職至三等輕車都尉十七年擢鑲藍旗滿洲副都統

聖祖仁皇帝康熙元年八月同靖西將軍穆里瑪征鄖襄
流賊郝搖旗李來亨等三年會陝西湖廣四川三
省兵勦平之斬搖旗來亨遁走茅麓山自焚死十
年錫納海以病乞休

允之十二年三月卒於家年五十有七

賜祭葬如例以孫道福色龍世職

武善

武善姓伊爾根覺羅世居呼訥赫後隸滿洲鑲黃

旗父噶蓋

太祖高皇帝時來歸授理事大臣從征兆嘉城及攻訥殷之佛多和寨取安楚拉庫路俱有功嘗奉

命同巴克什額爾德尼叅訂

國書後大臣滅哈達擒其貝勒蒙格布祿以歸贍養之噶蓋與交厚蒙格布祿尋謀逆伏誅噶蓋並坐罪死武善其長子也初任佐領尋兼任叅領天命九年明皮島總兵毛文龍遣兵渡鴨綠江入島屯

田

太祖命武善與副都統楞額禮率兵千人擊之途中獲間
諜訊知明兵晝則渡江入島收穫夜則還宿江岸
遂乘夜進兵潛伏山僻平明度明兵已渡疾馳至
島明將士大驚悲奔潰武善與楞額禮追斬五百
餘級敵爭舟盡墮水死因焚島中積聚而還既而
文龍復遣兵三百登島岸焚我房舍掠牛馬武善
同護軍叅領滿都禮等督兵追擊盡奪所掠以歸

斬其遊擊一備禦一千總二

太宗文皇帝即位以武善列十六大臣管鑲紅旗副都統
事天聰元年

上遣諸大臣分兵為三隊畧明錦州武善同都統阿山率
所部為後隊遵

上方畧相機設伏防護所俘獲還奏稱

旨是年五月授三等輕車都尉世職崇德元年戶部承政
瑪福塔以亶市往朝鮮義州偵知明兵潛入鹵場

遣使馳奏

上命武善同吏部叅政吉思哈率兵馳援擊走明兵三年
正月駐守歸化城土默特部長以喀爾喀扎薩克
圖屯兵近地將犯城來告

上親統師往征武善與副都統武巴海並從會扎薩克圖
引遁師還饗米運留中途者為武巴海之廝卒盜
取武善坐徇隱革世職罷任八月授工部叅政時
瓦爾喀諸蒙古皆隸版圖脩職貢凡通使及宴勞

每以武善典其事順治元年卒

車爾格

車爾格滿洲鑲黃旗人姓鈕祜祿額亦都第三子

也幼從

太祖高皇帝於軍中屢建功績授騎都尉世職晉三等輕

車都尉奉

命征東海瓦爾喀部大勝凱旋

太祖親出郊宴勞之又

念其父勲晉爵三等子

太宗文皇帝即位設八大臣車爾格與焉分理鑲白旗事
天聰元年隨大貝勒阿敏等征朝鮮其國王李倧
懼服願効職貢乃與共盟而還二年五月隨貝勒
阿巴泰等畧明錦州松山俘獲甚多五年七月授
刑部承政尋遷兵部七年八月

命同刑部承政索海往偵明邊隘至錦州斬七人生擒把
總一人兵九人來獻十月明廣鹿島副將尚可喜

遣吏納款車爾格奉

命率將士往招之明年二月自廣鹿島馳疏言可喜統集
廣鹿長山二島男婦三千餘來歸因道遠需乘騎
於每佐領下有四馬者撥二馬給之即日啓行遂
與俱至崇德二年四月隨武英郡王阿濟格等攻
皮島師還以屢違軍令又為阿濟格索獲婦女于
睿親王多爾袞論罪削職罷任三年七月起授工
部左叅政五年二月擢戶部承政八年考滿復授

騎都尉世職

世祖章皇帝定鼎燕京

恩詔加一雲騎尉順治二年二月卒子法固達襲職長子
辰泰第五子拉哈達各有傳

圖爾格

圖爾格宏毅公額亦都第八子也自少隨征積功
累爵至輕車都尉天命十一年

太宗文皇帝即位八旗八大臣下每旗各設二人脩屯

成決獄訟號十六大臣以圖爾格任鑲白旗尋遷都統又念其父勲晉爵子天聰三年十一月從

太宗伐明克遵化城四年二月班師

命貝勒阿敏等守永平而以圖爾格同都統納穆泰率兵守灤州五月明合兵攻灤州與納穆泰分汛固守間簡精銳出城殺敵敵轉攻納穆泰所守汛圖爾格急遣阿玉什分兵往援會火及城樓有執燾者乘雲梯登阿玉什揮刀斬之奪其燾敵却時阿敏

聞灤州被圍不急救及遣大臣巴都禮率兵數百
來援夜三鼓突圍入城而城已垂破未幾明兵發
巨礮攻城城壞城樓焚燬爾格度力不能支率衆
潰圍奔阿敏軍阿敏大驚棄永平遁諫之不聽殿
後全師而還於是議棄永平罪以不能力諫削世
職解都統任五年五月我師攻明錦州令率護軍
駐錦州松山間夜截明兵之赴松山者斬首二十
級敵敗從之我軍有星訥者墮馬敵還取星訥圖

爾格從三十騎馳之翼之出是月間明人將城大凌河

命同納穆泰往覘之俘其人畜以歸七月起為吏部承政八月從

太宗攻大凌河分圍城東面之北城中兵突出犯我南礮臺圖爾格不及騎徒步擊走之十月畧松山八年三月畧錦州並有功是年五月

太宗伐明入大同

命同副都統勞薩率兵駐張古臺河以扼敵師九年二月
命率左翼兵從貝勒多爾袞等往招察哈爾降其長額哲
六月還兵畧明山西分兵三隊為軍鋒自平魯衛
入毀寧武躡代州乘勝至忻口遇伏敗之追至崞
縣殲其衆還經平魯衛衛兵邀我師于途親陷陣殺
敵百人敵遁走入城不敢出圖爾格策敵必復至
設伏以待而身為之殿明錦州總兵祖大壽合大
同總兵王某率兵三千來追返兵用步戰衝其中

堅伏起夾擊大敗之乃徐引兵出邊十年二月叙功授一等男崇德元年五月復任鑲白旗都統是年隨武英郡王阿濟格攻克明昌平雄縣並先登二年閏四月以罪黜初圖爾格尚和碩公主公主所生女為貝勒尼堪福晉福晉無子詐取僕女為女至是事敗圖爾格亦坐罪論死得

旨免削職二年八月仍令攝都統事三年十月隨多爾袞伐明破太監馮永盛總兵侯世祿兵復同都統拜音

圖敗敵於董家口毀邊牆入奪青山關下四城五年七月隨多爾袞圍錦州取其禾連破錦州松山兵又同都統葉克書率兵三百伏烏忻河口伺錦州牲畜出牧駢之歸敵衆千餘來戰葉克書馬中箭蹶敵人將兵之圖爾格射敵殪救之上馬併力衝殺敵敗復合凡六戰六勝身被二十餘創猶殿後力戰悉保所俘而還十月晉爵子尋擢為內大臣六年八月經畧洪承疇率兵十三萬援錦

州

太宗親征既敗承疇兵

命隨阿濟格邀擊明敗兵於塔山時明總兵曹變蛟吳三桂王樸等各引本部兵遁而變蛟兵夜衝鑲黃正黃兩旗汎地突犯

御營時守營右翼大臣及侍衛等皆未至圖爾格發矢連殪二人率衆軍併力攢射變蛟兵始敗去又隨豫親王多鐸設伏敗吳三桂王樸兵於高橋七年十

月同饒餘貝勒率師伐明直抵山東兗州府俘明
魯王朱以派及樂陵陽信東原安邱滋陽諸王並
各王府宗室官屬幾千人下三府十八州六十七
縣八年六月班師

賜銀千五百兩十月晉爵二等公順治二年二月卒年五
十以子科布梭龍九年六月追謚忠義配享

太廟立碑墓道雍正九年

賜公爵號果毅

伊爾登

伊爾登滿洲鑲黃旗人姓鈕祜祿額亦都第十子也幼時

太祖高皇帝撫之宮中及長任侍衛屢從大軍征討天命

初築界藩及薩爾滸諸城有勞績

賜蟒服八年授世職三等輕車都尉累功晉三等男

太宗文皇帝嗣統列十六大臣佐理鑲白旗事尋奉

命駐防邊界天聰三年九月率兵剿獐子島獲船四沉之

俘其人以歸十月從

上征明隨貝勒阿巴泰阿濟格攻克龍井關墮其水門入
斬明將易愛王遵臣盡蕪其衆復攻遵化敗明山
海關援兵斬其將趙率教十一月隨大軍征明薄燕
京克永平灤州遵安等城師旋晉爵一等男會其
兄都統圖爾格鎮灤州以失守罷任

命伊爾登代為都統五年八月攻大凌河城伊爾登與各
旗都統分受

方畧即率本旗護軍圍其東面之南環向以困之卒破敵

兵明年

上親征察哈爾

命與貝勒阿巴泰等留守瀋陽七年六月

上以征明及朝鮮察哈爾三者何先

諭諸貝勒大臣各抒所見時

上留八旗諸軍興屯明山海關外地於是諸貝勒大臣奏

曰明吾讐也用兵宜先今留重兵以稽時日彼必

有備矣伊爾登曰與其頓兵關外不若徑入內地
視其城有可取則取之多率步兵脩梯牌以為攻
具乘機摧陷何城不克况蓄銳已久人有戰心及
是時而用之所謂事半而功倍也明日

上命伊爾登率左翼隨貝勒岳託等取明旅順口俘獲人
戶牲畜器用財賄無算旋與都統葉臣率兵二千
五百駐守之八年

上征明分兵入尚方堡伊爾登復奉

詔與貝勒阿巴泰正白旗都統阿山率兵由巴顏朱爾格
入龍門會大兵於宣府敗明步騎兵獲馬百餘進
攻靈邱縣及保安州皆有功是年冬前鋒統領
巴奇蘭等出征黑龍江虎爾哈部伊爾登與都統
納穆泰達爾漢葉克書葉臣阿山色勒篇古八大
臣簡士卒閱器械集諸將宣讀

勅諭而送之先是衆大臣奏諸王旗纛事畢將退伊爾登
曰公等不勤國事乃急爾私事遽拂衣行乎既而

衆大臣集於

禁門外伊爾登又曰日者諸王謂八旗都統為不及
古大臣於時伊爾登兄圖爾格為吏部承政矣會
諸王令圖爾格與護軍統領楊古利入奏事衆都統
以圖爾格為曾獲罪也而非議之伊爾登不悅篇
古曰爾以兄為無罪耶伊爾登曰汝輩殊可厭皆
幸禍之流耳於是衆都統悉以其言訐之法司崇
德元年伊爾登下法司勘訊坐讒謗諸王及大臣

論罪削一等男爵鮮都統任仍罰鍰尋隨豫親王
多鐸征朝鮮既還復隨武英郡王阿濟格攻皮島
以不俟旗纛輒先渡江坐罰鍰三年復任護軍統
領四年春武英郡王阿濟格征明攻燕京伊爾登
率兵略地以三十人敗敵千人獲其馬

上親統大軍征明攻松山杏山城我前鋒軍偵知明總兵
祖大壽內監高起潛以兵二千迎戰我軍既設伏
伊爾登率兵四十人誘敵追襲發伏還擊大敗敵

衆六月

命為議政大臣尋無內大臣六年六月隨鄭親王濟爾哈朗圍錦州明總督洪承疇以師赴援立營松山西北鄭親王令右翼兵擊之失利乃據乳峯山以保兩紅旗與鑲藍旗駐營地為敵所奪都統葉臣等斂兵不進獨四旗護軍恭順王孔有德與蒙古敖漢奈曼察哈爾兵及伊爾登所領侍衛與戰伊爾登先右翼軍突入敵陣陷重圍身中數創所乘馬

死易馬負傷再戰益奮凡三易馬四戰皆捷

太宗嘉嘆復三等男世爵予龍八次

賜白金四百兩八月

上陳師松山杏山間

命偕超品公塔膽率八旗護軍叅領先赴高橋設伏方出
營遇明步兵之自杏山潰遁者千人擊斬之遂至
高橋復遇杏山步騎兵六百餘南奔塔山發伏盡
殲其衆

上移營近松山夜有松山敗軍突犯

御營伊爾登與內大臣宗室錫翰整兵拒戰奮勇擊殺敵

兵敗遁

命侍衛大臣之疎防與不能力戰却敵者各輸罰鍰以資

軍士伊爾登得

優賞順治元年

世祖章皇帝定鼎燕京論功進一等男三遇

恩詔累晉二等伯世龍十三年以年老致仕

上念伊爾登為宣力老臣

命上駟院給乘騎入朝每至必

召見賜食又圖其像二一藏內庫一予其家康熙二年疾

卒

賜祭葬如典禮謚曰忠直孫噶都龍爵官至鑲黃旗蒙

古副都統領侍衛內大臣

超哈爾

子額赫哩

超哈爾滿洲鑲黃旗人姓鈕祜祿額亦都第十三

子也少從

太祖高皇帝征伐授佐領

太宗文皇帝天聰八年以克副任使予騎都尉世職九年

同佐領納海巴雅彰屯等齎書赴喜峯口潘家口

董家口諸處

諭明守邊將吏還遇戍卒邀戰擒斬百餘人擢護軍叅領

崇德元年隨武英郡王阿濟格征明將入邊遇敵

哨卒迎拒超哈爾擊之擒二人獲馬四至燕京城

北奪取紅衣毆敗敵兵百餘轉戰至盧溝橋再與
敵遇皆敗之二年列議政大臣三年七月授禮部
叅政九月隨睿親王多爾袞征明由青山口入邊
會師涿州超哈爾分率所部攻任邱縣指揮軍士
穴地道隳其城趨趙北口明兵毀橋梁我師不得
渡乃自河西乘馬襲敵後大敗敵衆遂畧山東克
濟南府明年春旋師出邊超哈爾敗敵於太平
寨五年轉兵部叅政六年隨鄭親王濟爾哈朗圍

明錦州城內兵出戰起哈爾擊敗之追入其郭力
戰歿於陣年四十有一

上聞之軫悼

賜白金六百一十兩晉世職為二等輕車都尉以其長子

格黑禮龍

世祖章皇帝順治十二年追謚超哈爾曰果壯視一品大
臣例立碑墓道額赫哩超哈爾次子也初任佐領
順治二年格黑禮卒額赫哩襲職五年以叅領隨

金史紀事本末卷之五十五 鄭親王濟爾哈朗征湖廣至荊州擊敗流賊一隻
虎兵復與叅將博爾輝追躡偽侯郭姓擊敗之七
年凱旋先是京師五城設滿洲理事官至是以額
赫哩任中城明年遷都察院理事官三遇

恩詔晉爵至二等男九年奉

命率兵五百赴江寧駐防會平南將軍金礪以海賊鄭成
功抗據海澄縣請增兵進剿

上命撥江寧杭州兵各五百令額赫哩合所部兵同叅領

烏庫理等統之赴福建至則賊兵千餘踞海崖毀
橋拒戰額赫哩與金礪率兵進擊大敗賊衆遂攻
海澄鄭成功率賊十餘萬奪我紅衣礪額赫哩
同金礪連戰皆捷復擊敗其餘賊撫降甚衆十二
年擢兵部侍郎叙擊敗海賊功晉爵一等男十六
年鄭成功糾衆突犯江南陷鎮江逼江寧給事中
楊雍建疏劾樞臣踈於運籌致賊狂逞額赫哩坐
降級畱任明年

甄別部院諸臣

上以額赫哩於部務弗任勞怨

命解任降爵三等男授光祿寺卿尋改通政司通政使康

熙三年遷副都御史五年復任兵部侍郎七年擢

工部尚書十年卒

賜祭葬如典禮以其子英素襲爵

欽定八旗通志卷一百三十五